



*Selasa , 21 September 2021*  
**Ogen: Kejadin 33:9-15**



*"Ulih Erdame"*



**P**ernah nge kira ndu piga kali nge kam lit la siangkan ersenina ras erturang? Atau pernah nge lit pengalamenndu si erbanca kam ndekah la si perkuanen i bas hubungan ersenina ntah erturang?. Kisah Esau ras Jakup ncidahkan perubaten i tengah jabu si erbanca bene kinitekenna. Tapi, renungenta sendah, mereken cerita si mbaru i bas ersadana arih Esau ras Jakup. Jakup nampati Esau arah pemerena man Esau (ayat 9).

Kegeluhen si erkemalangen man Dibata erbanca Dibata erdahin arah hubungan si ceda e. Seh maka i bas ayat 10, ikataken Jakup man Esau *"ngidah ayondu saja bali kuakap bagi natap ayo Dibata"*. I bas perdalanan jabu Isak, teridah kel uga perbahanen Jakup si ncedai pusush Esau, tapi Esau la pernah balas perbahanen Jakup enda. Amin gia kai si ibahan Jakup tuhu-tuhu erban ceda kal pusuh Esau. Enda me buah kekelengen ras buah kiniteken kalak si nggo nandai Dibata. Uga nge kita? Pernah nge balasndu kerna perbahanen si la bagi ukur i bas hubunganndu ersenina ntah erturang? Lit denga nge kam la si angkaan i bas ersenina ntah erturang? Kai idatndu i bas si e kerina? Pusuh si ceda, la dame, la teneng, sitahanen, la si perkuanen, la si ergan ras sidebanna. Payolah perbahanenndu e?. Sendah temanta ercakup kerna ulih erdame. Me nggit kam erdame i bas hubunganndu ersenina ntah pe erturang? Jakup ras Esau mis idatna kerna ulih i bas ia erdame. Jakup nampati Esau ras Jakup ipake Tuhan jadi sekalak si mbelin i tengah-tengah bangsaNa. Enda me ulih erdame ndai, Tuhan erbansa ia mbelin ras meherga bas kegeluhen.

Ulih erdame e, erbanca kita menang bas dosa nari, ulih edame e erbanca kita dame ras tenang bas ndalani kegeluhen, ulih erdame e erbanca kita ngasup nampati senina ntah pe turangta, ulih edame e erbanca turah kekelengen Dibata bas tengah-tengah jabunta ras ulih erdame e erbanca kita jadi pasu-pasu.